

30. september 2021

UKA2021/121

**Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnerat pillugu Inatsisartut inatsisaat.**

(Isumaginninnermut Sulisoqarnermullu naalakkersuisoq)

Utoqqalinersiaqarneq pillugu aammalu siusinaartumik soraarnerussutisiat pillugit inatsisartut inatsisaata allanngortinneqarnerat pillugu Siumumiik imaattumik oqaaseqarfigissuarput.

Siumumiik nuannaarutigaarput tunngaviusumik allannguinnissaq Naalakkersuisut nangittumik ingerlateqqillugu siunnersuuteqarmata. Siumumiik utoqqalinersiaqarnerup ukiuinik allanngortitsineq siuttuuffiginikkuarput.

Taamaakkaluartoq puigunngilarput nunatsinni suliffiit pingaarnersaat annertunersaallu timikkut assoroorartuummata nungullarnartuullunilu. Ukiuni 35-ni ataannartumik tarnikkut timikkullu oqimaatumik suliaqarsimagaanni 65-nik ukioqalernermi qinnuteqartoqarsinnaanera tunngaviatigut tapersersorparput. Taamaakkaluartoq ataatsimiititaliami suliareqqinnissaani Kommunalbestyrelsit siusinaartumik soraarnerussutisiaqalernissani aalajangersaasarnerisa arriip-pallaarneragaasarnerat pitsaanerusunngortinniarlugu sunik peqquteqartarnersoq ataatsimiititaliap ilanngullugu misissussagaa Siumumiik kaammattuutigissuarput.

Inatsimmut oqaasertaliussassatut Paragraf 1 eqqarsaatigalugu kaammattuummik ilalerlugu ataatsimiititaliami Siumumiik suleqataassasugut qularutigineqassanngilaq.

Taamatuttaarlu Paragraf 2. imm. 1-mut oqaasertaliunneqartumut inatsisartut 2018-mili aalajangiinikuunerannut tunngavilimmut akinut aaqqiissuteqarnissaq tamakkiisumik taperserparput.

Taamatut oqaaseqarluta ataatsimiititaliamut ingerlateqqipparput sulilluarnissaannillu kissaallugit.

Jess Svane

SIUMUT